

Nyanja - Machiritso Malembo - Healing Scriptures

Eksodo 15:26 ndipo anati, Ngati udzamveratu mau a Yehova, Mulungu wako, ndi kucita zoona pamaso pace, ndi kuchera khutu pa malamulo ace, ndi kusunga malemba ace onse, za nthenda zonse ndinaziika pa Aigupto sindidzaziika pa iwe nnena imodzi; pakuti Ine Yehova ndine wakuciritsa iwe.

Deuteronomo 7:15 Ndipo Yehova adzakucotserani nthenda zonse; sadzakuikirani nthenda zoipa ziri zonse za Aigupto muzidziwa zija; koma adzaziika pa onse akudana ndi inu.

MaSalmo 107:20 Atumiza mau ace nawaciritsa, Nawapulumutsa ku cionongeko cao.

MaSalmo 146:8 Yehova apenyetsa osaona; Yehova aongoletsa onse owerama; Yehova akonda olungama;

Yesaya 35:5 Pamene po maso a akhungu adzatsegudwa, ndi makutu a ogontha adzatsegulidwa.

Yesaya 53:5 Koma lye analasidwa cifukwa ca zolakwa zathu, natundudzidwa cifukwa ca mphulupulu zathu; cilango cotitengera ife mtendere cinamgwera lye; ndipo ndi mikwingwirima yace ife taciritsidwa.

Yesaya 58:8 Pomwepo kuunika kwako kudzawalitsa monga m'mawa, ndi kucira kwako kudzaonekera msanga msanga; ndipo cilungamo cako cidzakutsogolera; ulemerero wa Yehova udzakhala wocinjiriza pambuyo pako.

Yeremiya 30:17 Pakuti ndidzakubwezera iwe moyo, ndipo ndidzapoletsa mabala ako, ati Yehova; cifukwa anacha iwe wopitikitsidwa, nati, Ndiye Ziyoni, amene kulibe munthu amfuna.

Yeremiya 33:6 Taonani, ndidzautengera moyo ndi kuuciritsa, ndi kuwaciritsa; ndipo ndidzawafululira iwo kucuruka kwa mtendere ndi zoona.

Malaki 4:2 Koma inu akuopa dzina langa, duwa la cilungamo lidzakutukirani, muli kuciritsa m'mapiko mwace; ndipo mudzaturuka ndi kutumphatumpha ngati ana a ng'ombe onenepa,

Mateyu 4:23,24 Ndipo Yesu anayendayenda m'Galileya monse, analikuphunzitsa m'masunagoge mwao, nalalikira uthenga wabwino wa Ufumu, naciritsa nthenda zonse ndi kudwala konse mwa anthu. 24 Ndipo mbiri yace inabuka ku Suriya konse: ndipo anatengera kwa lye onse akudwala, ogwidwa ndi nthenda ndi mazunzo a mitundu mitundu, ndi

ogwidwa ndi mizimu yoipa, ndi akhunyu, ndi amanjenje; ndipo lye anawaciritsa.

Mateyu 8:16,17 Ndipo pakudza madzulo, anabwera nao kwa lye anthu ambiri ogwidwa ndi mizimu yoipa; ndipo lye anaturutsa mizimuyo ndi mau, naciritsa akudwala onse; 17 ktero kuti cikwaniridwe conenedwa ndi Yesaya mneneri, kuti, lye yekha anatenga zofoka zathu, Nanyamula nthenda zathu.

Mateyu 9:35 Ndipo Yesu anayendayenda m'mizinda yonse ndi m'midzi, namaphunzitsa m'masunagoge mwao, nalalikira uthenga wabwino wa Ufumuwo, naciritsa nthenda iri yonse ndi zofoka zonse.

Mateyu 10:1 Ndipo pamene lye anadziitanira ophunzira ace khumi ndi awiri, anapatsa iwo mphamvu pa mizimu yoipa, yakuiturutsa, ndi yakuciza nthenda iri yonse ndi zofoka zonse. (Marko 3:14,15)

Mateyu 10:8 Ciritsani akudwala, ukitsani akufa, konzani akhate, turutsani ziwanda: munalandira kwaulere, patsani kwaulere.

Mateyu 11:5 akhungu alandira kuona kwao, Ndi opunduka miyendo ayenda, akhate akonzedwa, indi ogontha akumva, ndi akufa aukitsidwa, ndi kwa aumphawi ulalikidwa uthenga wabwino.

Mateyu 12:15 Koma Yesu m'mene anadziwa, anacokera kumeneko: ndipo anamtsata lye anthu ambiri; ndipo lye anawaciritsa iwo onse,

Mateyu 15:30 Ndipo makamu ambiri a anthu anadza kwa lye, ali nao opunduka miyendo, akhungu, osalankhula, opunduka ziwalo, ndi ena ambiri, nawakhazika pansi pa mapazi ace: ndipo lye anawaciritsa;

Mateyu 17:20/21 Ndipo lye ananena kwa iwo, Cifukwa cikhulupiriro canu ncacing'ono: pakuti indetu ndinena kwa inu, Mukakhala naco cikhulupiriro monga kambeu kampiru, mudzati ndi phiri ili, Senderapo umuke kuja; ndipo lidzasendera; ndipo palibe kanthu kadzakulakani kosacitika.

Marko 1:34 Ndipo anaciritsa anthu ambiri akudwala nthenda za mitundu mitundu, naturutsa ziwanda zambiri; ndipo sanalola ziwandazo silankhule, cifukwa zinamdziwa lye.

Marko 3:10 pakuti adawaciritsa ambiri; ktero kuti onse akukhala nazo zowawa anakanikiza lye, kuti akamkhudze.

Marko 6:5,6 Ndipo kumeneko sanakhoza lye kucita zamphamvu konse, koma kuti anaika manja ace pa anthu odwala owerengeka, nawaciritsa. 6 Ndipo anazizwa cifukwa ca kusakhulupirira kwao. Ndipo anayendayenda m'midzi yozungulirapo, naphunzitsa.

Marko 6:13 Ndipo anaturutsa mizimu yoipa yambiri, nadzoza mafuta anthu ambiri akudwala, nawaciritsa.

Marko 6:55,56 nathamangira dziko lonselo nayamba kunyamula anthu

odwaia pa akama ao, kufika nao kumene anamva kuti analiko iye. 56 Ndipo kumene konse adalowa iye m'midzi, kapena m'mizinda, kapena m'miraga, anthu anagoneka odwala pamisika, nampempha iye kuti akakhudze ngakhale mphonje yokha ya cobvala cace; ndipo onse amene anamkhudza anaciritsidwa.

Marko 8:23-25 Ndipo anamgwira dzanja munthu wakhunguyo, naturukira naye kunja kwa mudzi; ndipo atamthira malobvu m'maso mwace, naika manja pa iye, anamfunsa, Uona kanthu kodi? 24 Ndipo anakweza maso, nanena, Ndiona anthu; pakuti ndiwapenya ayendayenda ngati mitengo. 25 Pamene po anaikanso manja m'maso mwace; ndipo anapenyetsa, naciritsidwa, naona zonse mbee.

Marko 9:29 Ndipo iye anati kwa iwo, Mtundu uwu sukhoza kuturuka ndi kanthu kena konse, koma ndi kupemphera.

Marko 16:17,18 Ndipo zizindikilo izi zidzawatsata iwo akukhulupirira; m'dzina langa adzaturutsa ziwanda; adzalankhula ndi malankhulidwe atsopano; 18 adzatola njoka, ndipo ngakhale akamwa kanthu kakufa nako, sikadzawapweteka; adzaika manja ao pa odwala, ndipo adzacira.

Luka 4:18 Mzimu wa Ambuye uli paine, Cifukwa cace iye anandidzoza Ine ndiuze anthu osauka Uthenga Wabwino: Anandituma Ine kulalikira am'nsinga mamasulidwe, Ndi akhungu kuti apenyenso, Kuturutsa ndi ufuru ophwanyika,

Luka 4:40 Ndipo pakulowa dzuwa anthu onse amene anali nao odwala ndi nthenda za mitundu mitundu, anadza nao kwa iye; ndipo iye anaika manja ace pa munthu ali yense wa iwo, nawaciritsa.

Luka 5:15 Koma makamaka mbiri yace ya iye inabuka: ndipo mipingo yambiri ya anthu inasonkhanakudzamvera, ndi kudzaciritsidwa nthenda zao.

Luka 5:17-25 Ndipo panali tsiku limodzi la masiku awo, iye analikuphunzitsa; ndipo analikukhalapo Afarisi ndi aphunzitsi a malamulo, amene anacokera ku midzi yonse ya ku Galileya, ndi Yudeya ndi Yerusalem: ndipo mphamvu ya Ambuye inali ndi iye yakuwaciritsa, 18 Ndipo onani, anthu alikunyamulira pakama munthu wamanjenje; nafunafuna kulowa naye, ndi kumuika pamaso pa iye. 19 Ndipo posapeza polowa naye, cifukwa ca unyinji wa anthu, anakwera pamwamba pa chindwi, namtsitsira iye poboola pa chindwi ndi kama wace, namfikitsa pakati pomwe pamaso pa Yesu. 20 Ndipo iye, pakuona cikhulupiriro cao, anati, Munthu iwe, macimo ako akhululukidwa. 21 Ndipo alembi ndi Afarisi anayamba kuyesayesa mumtima mwao, kuti, ndani Uyu alankhula zomcitira Mulungu mwano? Ndani angathe kukhululukira macimo, koma Mulungu yekha? 22 Koma Yesu anadziwa zoyesayesa zao, nayankha,

nati kwa iwo, Muyesayesa bwanji m'mitima yanu? 23 Capafupi nciti, kunena, Akhululukidwa kwa iwe macimo ako; kapena kunena, Tauka, nuyende? 24 Koma kuti mudziwe kuti Mwana wa munthu ali nayo mphamvu pa dziko lapansi yakukhululukira macimo, (anati iye kwa wamanjenjeyo), Ndinena kwa iwe, Tauka, nusenze kama wako, numuke kunyumba kwako. 25 Ndipo pomwepo anaimirira pamaso pao, nasenza cimene adagonapo, nacokapo, kunka kunyumba kwace, wakulemekeza Mulungu.

Luka 6:17-19 Ndipo iye anatsika nao, naima pacidikha, ndi khamu lalikuru la ophunzira ace, nw unyinji waukurwa anthu a ku Yudeya lonse ndi Yerusalem, ndi a ku mbali ya nyanja ya ku Turo ndi Sidoni, amene anadza kudzamva iye ndi kudzaciritsidwa nthenda zao; 18 ndipo obvutidwa ndi mizimu yonyansa anaciritsidwa, 19 ndi khamu lonse lija linafuna kumkhudza iye; cifukwa munaturuka mphamvu mwa iye, niciritsa onsewa.

Luka 7:21,22 Nthawi yomweyo iye anaciritsa anthu ambiri nthenda zao, ndi zobvuta, ndi mizimu yoipa; napenyetsanso anthu akhungu ambiri. 22 Ndipo anayankha, nati kwa iwo, Mukani, muuze Yohane zimene mwaziona, nimwazimva; anthu akhungu alandira kuona kwao, opunduka miyendo ayenda, akhate akonzedwa, ogontha akumva, akufa aukitsidwa, kwa aumphawi ulalikidwa Uthenga Wabwino.

Luka 8:2 ndi akazi ena amene anaciritsidwa mizimu yoipa ndi nthenda zao, ndiwo, Mariya wonenedwa Magadalene, amene ziwanda zisanu ndi ziwiri zinaturuka mwa iye,

Luka 9:2 Ndipo anawatuma kukalalikira Ufumu wa Mulungu, ndi kuciritsa anthu odwala.

Luka 9:11 Koma unyinji wa anthu, pamene anadziwa, anamtsata iye; ndipo iye anawalandira, nalankhula nao za Ufumu wa Mulungu, naciritsa ameneanasowa kuciritsidwa.

Luka 13:12 Ndipo Yesu m'mene anamuona, anamuitana, nanena naye, Mkaziwe, wamasulidwa kudwala kwako.

Luka 13:32 Ndipo iye anati kwa iwo, Pitani kauzeni nkhandweyo, Taonani, nditurutsa ziwanda, nditsiriza maciritso lero ndi mawa, ndipo mkuca nditsirizidwa.

Yohane 5:8,14 Yesu ananena naye, Tauka, yalula mphasa yako, nuyende, 14 Zitapita izi Yesu anampeza m'Kacisi, nati kwa iye, Taona, waeiritsidwa; usacimwenso, kuti cingakugwere ecipa coposa.

Yohane 14:12 Indetu, indetu, ndinena kwa inu, Wokhulupirira Ine, nchito zimene ndicita Ine adzazicitanso iyeyu; ndipo adzacita zoposa izi; cifukwa ndipita Ine kwa Atate.

Macitidwe 3:6 Koma Petro anati, Siliva ndi golidi ndiribe; koma cimene ndiri naco, ici ndikupatsa, M'dzina la Yesu Kristu Mnazarayo, yenda,

Macitidwe 5:15,16 kotero kuti ananyamulanso naturuka nao odwala

Ifumakwalala, nawaika pamakama ndi pamphasa, kuti, popita Petro, ngakhale cithunzi cace cigwere wina wa iwo. 16 Komanso unasonkhana pamodzi unyinji wa anthu ocokera ku midzi yozungulira Yerusalem, alikutenga odwala, ndi obvutika ndi mizimu yonyansa; ndipo anaciritsidwa onsewa.

Macitidwe 10:38 za Yesu wa ku Nazarete, kuti Mulungu anamdzosa iye ndi Mzimu Woyeria ndi mphamvu; amene anapitapita nacita zabwino, naciritsa onse osautsidwa ndi mdierekezi, pakuti Mulungu anali pamodzi ndi iye.

Macitidwe 19:11,12 Ndipo Mulungu anacita zamphamvu za pa zokha ndi manja a Paulo; 12 kotero kuti anamuka nazo kwa odwala nsaru zopukutira ndi za panchito, zocokera pathupi pace, ndipo nthenda zinawacokera, ndi mizimu yoipa inaturuka.

ARoma 8:26 Ndipo momwemonso Mzimu athandiza kufoka kwathu; pakuti cimene tzipempha monga ciyenera, sitidziwa; koma Mzimu mwiniatipempherera ndi zobuula zosatheka kuneneka;

1 AKorinto 12:9 kwa wina cikhulupiro, mwa Mzimu yemwego; ndi kwa wina mphatso za maciritso, mwa Mzimu mmodziyo;

1 AKorinto 12:28 Ndipotu Mulunguanailea ena m'Eklesia, poyamba arumwi, aciwiri aneneri, acitatu aphunzitsi, pamenezo zozizwa, pomwepo mphatso zamaciritso, mathandizo, maweruziro, malilime a mitundu mitundu.

AFilipi 2:27 Pakutinso anadwaladi pafupi imfa; komatu Mulungu anamcitira cifundo; koma si iye yekha, komatu inenso, kuti ndisakhale naco cisoni cionjezere-onjezere.

Yakobo 5:14 Pali wina kodi adwala mwa inu? Adziitanire akuru a Mpingo, ndipo apemphere pa iye, atamdzosa ndi mafuta m'dzina la Ambuye:

1 Petro 2:24 amene anasenza macimo athu mwini yekha m'thupi mwace pamtanda, kuti ife, titafa kumacimo, tikakhale ndi moyo kutsata cilungamo; ameneyo mikwingwrima yace munaciritsidwa nayo.

3 Yohane 1:2 Wokondedwa, ndipemphera kuti pa zonse ulemere, nukhale bwino, monga mzimu wako ulemera,